

#### IV. Belehnung des Grafen Philipp zu Solms mit dem Erz- und Bergwerk-Regal durch König Maximilian I. 1507.

Mitgeteilt von Dr. August Roeschen in Laubach.

Wir Maximilian, von gots gnaden Romischer kunig, zu allent zeitten merer des reichs, zu Hunngern, Dalmatien, Croatien kunig, ertzherzog zu Osterreich, hertzog zu Burgundi, zu Brabant, und phaltzgrave etc. Bekennen offentlich mit disem brief und tun kund allermeniglich, daz wir gutlich angesehen und wargenomen die an-nemen, getreuen und willigen dinste, so der edel unser und des reichs lieber getreuer Philips grave zu Solms und herre zu Muntzemberg unns und dem heiligen reiche getan hat und hinfuro in kunfftig zeit wol tun mag und sol. Und haben darumb mit wolbedachtem mute und gutem rate demselben graf Philipsen dise besunder gnade getan, gegonnet und erlaubt, gonnen und erlauben ime auch von Romischer kunigklicher machtvolkomenheit wissenentlich in krafft dis briefts: Also das er und sein erben allenenthalben in iren zugehorungen graf-schafften, herschafften und gebieten ertz und berckwercken suchen, das erweckhen, pauen, in wesen bringen, gebrauchen und geniessen sallen und mugen, von allermeniglichlichen unverhindert, doch das sy solhe ertz und berckwerch, so sy also in wesen bringen, unnder iren lehen von unns, unnsern nachkumen und dem heiligen reiche zu lehen erkennen und emphahen und davon dienen und tun, wie sich geburt, alles ungeverlich.

Mit urkundt dis briefts besigelt mit unnserm kunigklichen an-hangendem insigel. Geben zu Costentz am dritten tag des monads augusti nach Cristi geburde funftzehnhundert und im sibenden, unnsere reiche des Romischen im zwayundzwantzigsten und des Hunngerischen im achtzehenden jaren.

*Ad mandandum domini Regis proprium.*

Orig.-Berg. im gräf. Archive zu Laubach (sub Kaiserliche Privilegien, Orig. I, 2). Das Siegel hängt wohl erhalten an. In dorso von einer Hand saec. XVII: Regalia uber Ertz unnd Bergkwerk in Gemeyn der Grafschaft Solmz ao 1507 de dato Costenz d. 3. Augusti Von Keifzer Maximiliano; daneben von späterer Hand: Regalia das Ertz und Bergkwerk betrff.